



XIBAAR
NGIR GENNEE BU JAMP 7 Mars 2017

Ngir yeneen Leeral, Jokkook:
Jonathan Burman walla Jeanne Beattie
(518) 474-1201
www.nysed.gov

**LEERAL CI SAÑ-SAÑ NDONGO-DAARA IMIGERE AK JĔF NGOR NDONGO
DAARA YEPP JAPPANDINAŃU LEEGI CI 20 LAKK**

Leeral biñu gennee lu yàggul yi ci Ngor ngir Jĕfu Ndongo-Daara Yepp (DASA) ak ci sañ-sañu ndongo-daara imigéré yi jàppandina leegi ci 20 làkk yuñuy gĕna làkk ci biir etaa New York, MaryEllen Elia, Komiseer Njàng ci Etaa bi moo ko xamle tay. Ci tontu lim guy yokku ci xamleeg boddikonte, nooteel ak xĕkkat ci biir dĕkk bi yepp ak titaange ak jaxasoo yu bawoo ci jĕf nguur gi lu yàggul, Departman Njàngu Etaa bi, bi lĕkkaloo ak biroo Attekat bu Mag bi, leeralnañu goxu daara ci tomb yu am solo yooyu. Leegi waajur yi, ñuy dénc xale yi ak ñeneen ñumu soxal yokknañu seen jót ci leeral gu am solo bii.

Njiitu Ndaaw-Reew Betty A. Rosa neena: “Buñu booloo, dinañu mĕna def ba suñu ndongo-daara yi nekk ci jàmm te xamne ñoongi leen di jàppale ci dekkinu daara yi”. “Daño wara wonewaat suñu wareef ngir joxe ay barabu jàng yu wóor, fi nga xamne ndongo-daara yi dinañu mĕna jàng te kenn du xool ban der lañu am, xeet buñu bokk, làkk buñuy wax ci seen kĕr, taxawaay imigéré, seen jubluwaay awra walla bepp mbir bimu mĕna doon. Daño wara tĕye xale yepp ni suñu doom ak bĕggeel gu mat sĕkk.”

“Departman Njàng bu Etaa bu New York day mettitlu bepp jĕf bu yàkk nekkin ci biir daara yi fi nga xamne suñu ndongo-dara yi foofu lañuy ñew di jàng bis bu nekk,” Komiseer Elia moo ko xamle. “Xale yepp amnañu sañ-sañ njàng biñudul fay te benn xale warul tiit jàngi daara. Daño wara def suñu keemtalaay kàttan ngir sós ay dekkinu jàng yu wóor tay jàppale, teg ci jox waajur yi ak ñuy dénc xale yi rootuwaay yuñu soxla ngir ñu xam seen sañ-sañ ak seen sañ-sañu doom.”

Departman bi jàppandilna leegi ngir waajur yi, ñuy dénc xale yi ak kepp kumu soxal ay rootuwaay yuñu tekki ci fukku làkk yuñu gĕna làkk ci biir Etaa New York. Maanaam: Español, Sinwa, Arab, Bengali, Ris, Urdu, Kreol, Farayse, Karen ak Nepale. Loolu day yaatal te dĕgĕral liggeey buñu nekk di def bokk ci lĕkkaloo ak Biroo Attekat bu Mag bu Etaa bu New York (OAG) ngir woorlu ñoongi aar sañ-sañu ndongo-daara yi numu waree ni ko yóon tĕralee.

Bokkna ci daju yuñu tekki lu Attekat bu Mag bi Eric T. Schneiderman ak Komiseer Elia gennee lu yaggul, te ñuy fatteli goxu daara yi seen wareef ngir topp sàrt nguur gi ak bu etaa yi am ngir woorlu sañ-sañu xale imigéré yi ñu jàngi ci daara nguuru New York te duñu ragal fayantoo. Leeral bi day jox gox yi ay xibaar yu am solo ci seen wareef ni ki yóon bĕggee ak jox cĕr seen ndongo-daara yi ak mbóot dĕnku ndongo-daara yi.

Teg ci, leeral ak rootuwaay ngir jàppale liggeeykat daara yi, ndongo yi ak waajur yi ñu wax te safaara ay mbir ci wallu xĕkkat, boddikonte ak nootel, ak tamit yókk goorgoorlu ci nekkin ci daara yi ci jàmm bawoo ci DASA jàppandina.

Daju yooyu, ci 20 làkk mëneesna leen gis fii.

Xibaar ci jëf ci wallu imigré mëneesna leen gis fii, waaye xibaar ci leeral ak rootukaay ni ko DASA bëggee mëneesna leen gis fii.